



# Hurriyat

Mustaqil gazeta

2025-yil  
20-avgust  
chorshanba  
№ 33 (1459)

Gazeta 1996-yil dekabrda chiqqan boshlagan

www.uzhurriyat.uz



hurriyatuz@mail.ru



t.me/hurriyatuz



Hurriyat gazetasi

## ИСЛОҲОТ

# ЗОМИННИНГ ЁРУФ ТОНГЛАРИ



Зомин сўзи қадим китобларда ҳам зикр этилгани кўпчиликка аён бўлса керак. Пурвиқор тоғлар қуршаган ушбу ғўша танти одамлари, мусатфо табиати ҳамда қулай географик жойлашуви, ижтимоий, иқтисодий инфраструктуралари ривож топаётган ғўшадир. Зомин каби ривожланаётган шаҳарларимизнинг самарадорлик мақомини янада ошириб бориш юртимиз раънақига раънақ, қудратига қудрат қўшади. Зомин ўзининг қадимийлиги ва навқиронлиги билан, гарчи туман негизда бўлса ҳам, айрим шаҳарларнинг шаҳарлик мақомидан ҳам баландроқ.

Ўзбекистоннинг электр юраги ҳисобланган гидроэлектростанцияси билан машҳур Ширин шаҳри бу туманга яқинлиги боис Зоминнинг энергия билан юқори даражада таъминланиши — ҳар қандай ривожланиш, тараққиётнинг бош мезони, десак, янглишмаймиз.

Сув омборининг яқинлиги эса ичимлик ва саноат суви билан таъминланганлик — бу ҳам барқарор ривожланиш қафолати. Бу аҳоли ва инвесторлар учун жуда кўп қулайликларни беради.

Кўп томонлама тармоқланган транспорт логистикаси ҳамда янги қурилган аэропорт давлатимизнинг муҳим қон томирлари Зомин нуқтасидан боғланиш имкониятини кенгайтирди.

Бу ҳудуд ўз қадимий урф-одатлари, маданиятини сақлаб қола олган, қадриятларни авайлаб-асраб келаётган ҳудудлар сирасидан. Бу эса миллий брендлар яратилишида, чет эл брендларининг маҳаллийлаштирилишида муҳим омилдир.

Яхши эслаймиз, илк бор сеvimли маскан — Зомин билан танишувим Ўзбекистон Қаҳрамони, халқ шоири Абдулла Орипов бошчилигида “Зомин” ижодий семинари баҳонасида хушманзара табиати Ўриқлисий бағрига қадам ташлашдан бошланган эди. Ижод завқи билан тўлиб-тошган биз ёшлар Сирожиiddин Саййид, Маҳмуд Тоир, Ҳаётхон Ортиқбоева каби устозлар билан

турли шўъбаларда маҳорат дарсларидаги иштирокимиз, барча вилоятлардан келган ёш ижодкорлар билан дўстлашганимиз бугунги кунгача бўлган катта даврнинг метин пойдевори бўлиб хизмат қилиб келмоқда. Ҳанузгача Ўриқлисий булоқларидан ижодимиз сув ичиб илҳомланиб туради. Ўша вақтларда Жиззах вилояти ҳоқими лавозимида ишлаган, узққни кўра билган миллатпарвар инсон Шавкат Мирзиёевнинг ижодкорларга қанот бағишловчи лойиҳалари дунё даражасида эътироф этгулик гоёлар сирасидан, албатта.

Куни кеча Ўзбекистон Ёзувчилар уюшмаси томонидан берилган ижодий сафар йўлланмаси билан Зомин бағрида жойлашган “Навоий саноатни ривожлантириш комплекси” махсус саноат дирекцияси Зомин филиали ҳамда чет эллик инвесторлар томонидан қурилаётган “Зомин технопарки”нинг тўрт юз гектарлик ҳудудларида бўлди. Бу ерда кўнғилда ниш отаётган орзуларнинг амалий натижаларини, жамиятнинг иш илқинида юрган қатламга яратилаётган имкониятларни кузатиб, бу замин келажаги нақадар ёрқинлиги кўз ўнгимизда бор бўй-басти билан жонланди.

2-6

## УЮШМА ФАОЛИЯТИДАН

# УСТОЗ — МАҲОРАТ БОҒБОНИ

Ўзбекистон Журналистлар уюшмаси Қашқадарё вилояти бўлими ҳамда Қашқадарё бирлашган газеталар тахририяти ҳамкорлигида “Юрт таровати” газетаси қошида фаолият юритаётган “Ҳайрат” ижодий тўғарагининг маҳорат мактаби ўқувчилари иштирокида “Устоз — маҳорат боғбони” номли уч авлод учрашуви ташкил этилди.



Унда Уюшма вакиллари, фахрий журналистлар, ОАВ ҳамда ижод мактаби ўқувчилари иштирок этди. Тадбирнинг очилиш қисмида сўзга чиққан Ўзбекистон Журналистлар уюшмаси вилоят бўлими раиси Г.Юлдашев, фахрий журналист Д.Кенжаева ҳамда “Ҳайрат” тўғараги раҳбари, тажрибали устоз Н.Ибрагимова мамлакатимиз раҳбарининг 2022 йил 27 июнда қабул қилинган “Оммавий ахборот воситаларини қўллаб-қувватлаш ва журналистика соҳасини ривожлантириш чора-тадбирлари тўғрисида”ги қарори мазмун-моҳияти ҳақида сўз юритиб, ушбу ҳужжат соҳа ривожига янги босқични бошлаб берганини таъкидлади.

Тадбир давомида иштирокчилар журналистика соҳасида устозлар мероси, соҳа олдига турган вазифалар ҳақида фикр алмашди.

Очиқ ва самимий тарзда ўтган мулоқотда ижод мактаби ўқувчилари устозларидан ўзларини қизиқтирган саволларга атрофлича жавоб олдилар.

4-6

## ТАЛҚИН

Аляскани АҚШнинг энг совуқ шимолӣ ўлкаси, штати дейишади. Таассуфки, мен ҳам у ердан илик хабарларни кутмагандим. Хулосаларим шуки, урушни бошлаш осон ишдек туюлади. Аслида, уни бошлаш осон бўлмаса ҳам, уни тўхтатиш ундан-да мураккаб. Айниқса, икки тараф ҳам кучли бўлса...



# ҚУРОЛ ЭМАС, ОМОЧ КЕРАК

## ёхуд Аляскадаги учрашув хусусида

Урушда қурбонлар ҳисобга олинмайди. Сталин айтганидек, бир одам ўлими бу фожиа, кўпнинг ўлими эса статистика. Ҳозир ҳам акси бўлжати, сиёсат ва дипломатия оламида лидернинг лидерлик мақомини ва юзини сақлаб қолиш муҳимроқ саналади. Шунинг учун ҳам ҳаммиса “УРУШ, НОМИНГ ЎЧСИН ЖАҲОНДАН!” дейишса керак.

Икки тарафдан ҳам катта йўқотишлар бўлаётган бир пайтда олий раҳбарларнинг келишолмагани, афсус, бу ақиданинг нақадар тўғри эканлигини кўрсатади.

Нима деймиз? Афсус, деймиз! Афсус! Салкам 3,5 йилдан бери тинмаётган қонли уруш яна давом этаркан, демак. Қандайдир кескин ё фавқулодда вазият юзага келмаса, яқин келажақда бу уруш яна шундай давом этаверади. Россия президенти Путин айтганидек, бу урушнинг келиб чиқиши ва бунга асос яратган омилларни сиёсатшунослар чуқур таҳлил қилиши керак. Келгуси қарорларни қабул қилиш, албатта, бусиз бўлмайди.

Шу кунларда Аляскадаги учрашув баҳона хотирамга бир-икки масалалар келди. “Масалалар”ни яратишдан мақсад инсоният олдида доим танлов имконияти борлигини кўрсатишдир. Тинчликни қадрлаш, зуравонлиқнинг оқибатларини таҳлил қилиш каби масалалар бизга ҳаёт жуда қадри, тотли эканини, унинг ҳар бир дақиқаси ганимат ва тинчликни сақлаш муҳимлигини кўрсатади.

2-6

## ИСТИҚЛОЛ ШУКУҲИ



# МАРЖОНБУЛОҚ ВА

# МАРЖОНБУЛОҚЛИКЛАР

## юрт тараққиётига хизмат қилмоқда

“Ватан учун, миллат учун, халқ учун!” деган эзгу ғояни мужассам этган мустақиллигимизнинг ўттиз тўрт йиллик байрам шукуҳи халқимизга чексиз ғурур, қувонч улашмоқда. Энг улуг, энг азиз байрам арафасида Ғаллаоролда ижодий сафарда бўлиб, ишлаб чиқариш жараёнлари, соҳа илғорлари билан яқиндан танишдик.

Навоий кон-металлургия комбинатида ҳар бир бўлинма пайдо бўлишининг ўз тарихи, таърифи бор. Маржонбулоқдаги бўлинмалар ҳам мана шундай тарихий йўлга эга. Айтишларича, бундан ярим аср бурун бу ерлар оддий қишлоқ, одам юрса оёғи, қуш учса қаноти қуядиган дашту далалардан иборат бўлган экан. Бу замин бағридан қимматбаҳо металллар захираси топилиши ўтган асрнинг тарихий мўъжизаси бўлди. Бунинг натижасида ҳудудга саноат кириб келди. Кончилик ва металлургия индустрияси — “Маржонбулоқ” кони, “Маржонбулоқ” олтин ажратиш олиш цехи ва Маржонбулоқ шаҳарчаси қад ростлади. Улар ҳудуд қиёфасини тубдан ўзгартириб, янги ҳаёт бағишлади.

Ҳозирги кунда мазкур кон ва цех Жанубий кон бошқармасининг таркибий бўлимига бўлиб, бу ерда минг нафардан ортиқ қончи-металлург, муҳандис-технолог, ишчи-ҳодим меҳнат қилмоқда.

— Ўтган давр биз учун жуда катта синов бўлди. Кечани-кеча, кундузи-кундуз демай фидокорона меҳнат ордидан режалар ортиги билан бажарилиб, босқичма-босқич ўсиш суръатлари ошириб борибди. Самарадорлиқни таҳлил ва таққос этадиган бўлсак, ҳозирги пайтда қондан ҳар суткада 2,6 минг тонна, бир йилда 5,3 миллион кубометр оксидланган ва сульфидли тоғ жинслари қазиб олинмоқда. Олтин ажратиш цехида унинг 837 минг тоннаси қайта ишланмоқда, — деди цех бошлиғи Элёр Рустамов.

Биз борган паллада ҳам иш қўлами, ишлаб чиқариш жараёнлари қизғин давом этарди. Ёз жазирамасининг оташ тафти, эсаётган иссиқ гармселни писанда этмай, раҳбардан оддий ишчигача ҳамма

иш, ишлаб чиқариш ва вазифаси билан банд эди. Улар ҳаракатида ғайрат-шижоат барқарор, масъулият мужассам эди.

Бу натижалар ўз-ўзидан бўлаётгани йўқ. Бунда меҳнатда тобланган жамоа жасорати ва машаққатли меҳнат мужассам. Дарвоқе, бу йил “Маржонбулоқ” кони ташкил топганига 45 йил тўлди.

## ЗАМИН ЗАРНИ, ЗАМОН ЗАРГАРНИ ЯРАТАДИ

“Маржонбулоқ” кони — 1980 йилда ташкил топган. Шонли ва шарафли, залворли ва зафарли йўлга эга тарихий кон! Корхона шундан буён, яъни қирқ беш йил, 16 425 сутка, 394 200 соатдан буён бир он ҳам тўхтагани йўқ. Ишлаб чиқариш бир маромда давом этмоқда. Бунинг натижасида бугунга келиб кон узунлиги 2 минг метр, эни 900 метр ва чуқурлиги 2152 метрга етди.

Келинг, тарихга қайтамиз! Ўтган аср ўрталарида Ғаллаорол ҳудудида улкан маъдан захираси аниқланди. Бу Ўзбекистон учун тарихий янгилик, геология-қидирув ишларининг улкан натижаси эди. Ушбу кашфиёт бепоён дашт бағрида қон ва фабрика, шунингдек, ишчилар шаҳарчаси, ижтимоий инфратузилма объектларини қуриш даврини бошлаб берди.

Саноат индустрияси ва шаҳарча барпо этилишида ўша вақтдаги Ўзбекистон раҳбари, таниқли давлат арбоби, улуг адиб Шароф Рашидовнинг хизматлари бекиёс бўлган экан. Маҳаллий халқ буни фахр билан қўл эслайди. Ўзтибор туйғайли бу ерга бунёдкорлик руҳи, яратувчанлик шукуҳи кириб келди. Амалга оширилган барча оламшумул ишлар ўзбек фарзандининг қўллаб-қувватлаши билан боғлиқ. Буюк шахс ҳудудга ташриф буюриб, маҳаллий аҳоли билан учрашади. Уларнинг муаммоларини тинглайди ва ҳал этишга бош-қош бўлади. Бу тарихий кунлар билан Маржонбулоқ тарихига зарҳал харфлар билан битилган.

Илк йилларда ушбу қоннинг бошқарув идораси маълум муддат Қўйтош посёлкасида фаолият олиб борган.

3-6









# ҚОРАҚАЛПОҚ ДАВЛАТ УНИВЕРСИТЕТИ ЖАМОАСИ



барча ватандошларимизни,  
университет педагоглари ва кўп минг  
сонли талаба-ёшларни  
**ЎЗБЕКИСТОН  
РЕСПУБЛИКАСИ  
МУСТАҚИЛЛИГИНИНГ  
34 ЙИЛЛИГИ**  
билан қутлайди.

Азиз халқимизга бахт-саодат, она  
юртимизга тинчлик-хотиржамлик  
тилайди.

Янги Ўзбекистонда амалга  
оширилаётган тарихий ўзгаришлар,  
учинчи Ренессанс пойдеворини бунёд  
этишдек улуғ ишлар қаторида олий  
таълим соҳасида ҳам жуда катта  
хайрли амаллар рўёбга чиқарилмоқда.  
Шубҳа йўқки, ёшларга кўрсатилаётган  
юксак эътибор ва ғамхўрлик, албатта,  
ўз мевасини беради. Мамлакатимиз  
яқин йиллар ичида дунёда энг илғор  
юртлар қаторидан муносиб ўрин  
эгаллайди.

Энг улуғ, энг азиз айём — Истиқлол  
байрами барчамизга муборак бўлсин!





